

靈寶天尊說祿庫受生經

爾時

靈寶天尊在浮羅世界淨明國土 善積山中七寶樹下 與無量飛天神王 及諸仙聖眾演說妙法 乃放九色彩光 遍照十方一切眾生善惡果報 或貴或賤 或富或貧 大眾懷疑此等眾生 有如上果 未敢議問 時有光妙音真人 從座而起 嚴整衣冠 叩頭長跪 上白天尊曰 適見威光 照耀十方 或男或女 富貴貧賤 苦樂不同 此等眾生 有何異因 伏願聖慈憫 以所請賜以訣言

天尊曰 善哉善哉 汝當復坐 靜默安神 一心諦聽

天尊言 十方一切眾生 命屬天曹 身擊地府 當得人身之日 曾於地府所屬冥司 借貸祿庫受生錢財 方以祿簿注財 為人富貴 其有貧賤者 為從劫至劫 負欠冥司奪祿 在世窮乏 皆冥官所剋 陽祿填於陰債 是使貴賤貧富 苦樂不同 汝當省知

天尊言 吾昔賜寶樹一株 付與酆都北帝 植於冥京 明察眾生善惡果報 以聖箭三隻 神弓三張 給與得生人身男女 將此弓箭望寶樹而射 射得東枝 得官爵長命身 射得南枝 得延年康健身

靈寶天尊說祿庫受生經

清微藏書閣

射得西枝 得富貴榮華身 射得北枝 得貧窮困苦身 如上之寶樹者 乃是業鏡果報之緣 若在生欽敬三寶 方便布施 設齋誦經 行種種善緣 及依吾教誦念此經 燒還祿庫受生錢者 得三生為男子身 若復死亡 不經地獄 再復人身 酆都若以弓箭施為寶樹 我以神力扶持 無使中於北枝 再得榮貴之身 若復有人在世慳貪 愚癡 不信經法 負債不還 更相嫉妒 不念善因 惟惡是修 致使罪簿注名 天曹減算 及負欠冥司受生錢財 在世不還 更相誑妄 死入地獄 萬劫方生畜獸身 輪轉果報 若復得為人身 再以神弓聖箭 於寶樹自然果報 射中北枝 既得為人 貧窮下賤 及不信善緣之報

真人又白天尊言 未審人之生身 從何所屬冥曹庫借過受生錢 在世貢還何庫分 雖蒙開悟 未測此因 幸望慈尊 為眾分別 天尊曰 人之生身 便有十二年直宮分 各有曹典 主掌祿庫 我今為汝顯說十二官曹姓屬

子生人 欠錢一萬三千貫 屬第一庫 曹官姓李
 丑生人 欠錢二十八萬貫 屬第二庫 曹官姓田

寅生人 欠錢八萬貫 屬第三庫 曹官姓雷
 卯生人 欠錢八萬貫 屬第四庫 曹官姓柳
 辰生人 欠錢五萬貫 屬第五庫 曹官姓袁
 巳生人 欠錢七萬貫 屬第六庫 曹官姓紀
 午生人 欠錢二十六萬貫 屬第七庫 曹官姓許
 未生人 欠錢十萬貫 屬第八庫 曹官姓朱
 申生人 欠錢四萬貫 屬第九庫 曹官姓車
 酉生人 欠錢五萬貫 屬第十庫 曹官姓鄭
 戌生人 欠錢二萬五千貫 屬第十一庫 曹官姓成
 亥生人 欠錢九千貫 屬第十二庫 曹官姓亢

天尊又言 前十二宮庫官 各主局生人欠受生錢簿 及得為人身
 曾許所屬元辰錢財 乞註受生祿庫之簿 合同冥司之籍
 真人曰 此之元辰 亦未審於名位錢數 更望慈憫 盡其所說
 天尊含笑而言曰 善哉 汝當盡力 為於眾生 吾當再為汝開演十
 二所屬元辰姓名錢數
 子生人 本命元辰劉文真 當得人身 許錢七千貫

靈寶天尊說祿庫受生經

清微藏書閣

丑生人 本命元辰孟候 當得人身 許錢九千貫
 寅生人 本命元辰鍾元 當得人身 許錢六千貫
 卯生人 本命元辰郝元 當得人身 許錢一萬貫
 辰生人 本命元辰李文亮 當得人身 許錢五千四百貫
 巳生人 本命元辰曹交 當得人身 許錢一千貫
 午生人 本命元辰張巳 當得人身 許錢九千貫
 未生人 本命元辰孫恭 當得人身 許錢四千貫
 申生人 本命元辰杜準 當得人身 許錢八千貫
 酉生人 本命元辰田交佑 當得人身 許錢五千貫
 戌生人 本命元辰崔漸進 當得人身 許錢五千貫
 亥生人 本命元辰王爽 當得人身 許錢六千貫

爾時

天尊告諸四眾 若有善信男女 意樂經法 布施貨財 依此經典
 建立道場 嚴備香花 燈燭莊嚴 供養三寶大道 諸仙大聖 六時
 行道 十遍轉經 修齋設醮 準備所欠受生錢數 及許元辰之財
 一一明具 合同疏牒 燒還本屬庫分者 即得見世獲福 榮貴果報

來生永無苦難 若有眾生不信前緣 返生惡業者 一墮九泉 若不具陳 故有生死苦樂之報 汝等大眾 各自省知 是時 光妙音真人 及諸仙眾 酆都北帝 閻羅冥官 祿庫曹典 本屬元辰 在會大眾 一切稽首 瞻仰尊顏 頂禮而退 於是光妙音真人傳教世間 濟度存亡 讚歎敷揚 信受奉行

靈寶天尊說祿庫受生經竟

天運辛卯年酉月正一天師清微弟子洪鼎堅羅大英恭錄彙編

鞠昕延複校

靈寶天尊說祿庫受生經

清微藏書閣